

同安縣志

卷卅九人物錄寓賢 卷四十人物錄方外 卷四十
一雜錄 卷四十二舊志小引

同安縣志卷之三十九

寓賢錄

語曰人以地傳吾謂地實以人傳耳歷觀史籍聖賢豪傑道德勛名增光閭閻無
論矣卽騷人墨客遷謫投荒偶爾駐足後人猶爭引以爲重如子厚之於永州子
瞻之於儋耳又誰謂人必以地傳哉同自考亭作簿高士置軒延平復明儲賢設
館誠以語靈秀則山海奧區論交通則泉漳孔道故高人奇士或寄跡斯土或歲
夕爲家雖在板蕩億壤間仍不改其樂國樂郊之適者後先相望均足動後世
景行斯亦綴拾舊聞網羅黎獻者所樂爲稱道以寓杖杜蒹葭之意也但前志疏
略僅及隆武諸遺老其例稍乖今特爲補輯兼拾闕遺雖未敢謂流寓諸賢盡備
於斯然勝國以後民國以前耳目所及者大略具矣志寓賢

宋 黃 輔

明 林 同 鄭 郊弟 郊 沈 佺 期 辜 朝 薦

清 鄭 纘 祖 林 之 濬 藍 鼎 光 趙 翼 何 卓 黃 士 彬

洪 世 澤 張 際 亮 伊 秉 綬 林 春 溥 謝 穎 蘇 陳 榮 仁

施鴻保

曾福謙

陶濬宣

易順鼎

施士浩

宋

黃輔字仲卿宋末舉進士與趙孟頫同時相善元時隱居浯洲卜築金水家焉卒葬

牛眠山今前水頭村黃氏其苗裔也

家譜

明

林同字于野福州人博學力行安貧樂道居家教授學者宗之洪武中寓居同安龍

田鄉戶部李文郁奉以爲師率其徒受學力薦於朝授同安訓導至官甫二日卒

葬於本鄉後石墓岡前時人惜之所著有銅魚集

閩大記載銅魚集爲晉江林龍峯所著按龍峯與于野同名

鄭郊字牧仲莆田人明貢生值明季閩變避難入廈門清介博雅出入祇方巾布衣

與里人鄭慕生義門王肖槐交最善弟郊字奚仲亦負氣節

沈佺期字復齋南安人晉江籍崇禎癸未進士授兵部郎中清兵入閩佺期遜跡廈

門旋往臺灣閉門謝客累徵不起

舊志

辜朝茂在公潮州人明進士授江南安慶推官歷掌科垣晉卿寺與郭之奇羅萬

傑黃奇遇號爲四俊棲廈門後移寓臺灣卒

舊志

清

鄭纘祖字哲遠號遠公南安人康熙癸卯與叔鳴駿弟纘緒率衆歸清授參政職隸

旗籍以事落職歸寓同安殫心著述有雪泥集及遠齋集

府志

林之濬字巨川號象湖惠安人康熙乙酉順天舉人丙戌進士翰林院編修歷左春坊左中允甲午典貴州試丙申督學江南歸田後酷愛白鹿洞虎溪巖萬石巖諸勝均著有游草故寓厦久有西村詩集行世

溫陵詩紀

藍鼎元號鹿洲漳浦人康熙拔貢朱一貴之亂佐其兄藍提督廷珍平臺功授普寧縣先是江夏侯叛五砦於閩海而浯洲一砦上接湄洲下拊銅山尤爲要區然形勢旣更險要亦失鹿洲乃徧歷同邑海道如高崎集美浣洲料羅均躬親察勘故寓邑最久卒以此成七日平臺之功云

鹿洲文集趙翼藍鹿洲傳

趙翼字雲崧號甌北陽湖人乾隆進士官翰林院檢討林爽文之亂佐福康安幕寓厦久於邑諸古蹟均有題詠

甌北集

何焯字義門長洲人乾隆間嘗設教於邑西門內之翼亭志兼陳光章卽其門下士也著有三箋困學紀聞

黃士彬字蓮士晉江人寓同安之廈門有草廬詩集看山樓唱和詩與張錫麟薛起

鳳林明禔莫鳳翔張承祿八人結雲洲詩社號雲洲八子

溫陵詩紀

洪世澤號良堂南安人乾隆丙辰以廩生薦舉博學鴻詞科已未補試授翰林院庶吉士散館授檢討寓厦久有游雲頂巖及金榜訪黯公石室

張際亮字亨甫建寧人嘉慶舉人寓馬巷厦門最久所至均有吟咏以發抒其所見

張亨甫文集

伊秉綬字墨卿上杭人道光朝進士官蘇松太道久寓厦榕林墨卿工漢隸與呂孝廉西村齊名後莆田郭蘭石主講玉屏自謂伯仲之間見伊呂并雕爲小印亦藝

林佳話也

郭尙先筆記

林春溥字鑑塘侯官人早歲中咸豐朝進士官翰林院編修後重宴瓊林嘗寓厦病瘡有異人授以吐納之方病若失尋又享大年楊雪滄鷺江雜詠云攝生信可憑人力願向先生乞七載卽詠此也

冠梅堂詩集註

謝穎蘇字琯樵詔安人咸豐諸生工書畫客厦島林剛愍文察爲水師提督聞謝名

延爲幕賓同治甲子九月粵寇陷漳文察就義萬松關謝死之

謝筠士髮逆陷漳記

陳槩仁號鐵香晉江人同治甲戌進士酣嗜金石以搜羅清源文獻爲職志寓同日久凡斷碣殘碑荒巖廢寺無不躬親蒐討每有所得輒著於詩篇有藤花館詩集

及桐城舊話行世

參藤花館詩集王季樵學使鐵香傳

施鴻保字可齋浙錢塘人以諸生游幕同治乙丑丙寅間往來同厦著有左傳註疏六十卷閩雜記二十六卷辛未三月卒於晉江年七十四

曾福謙原名宗亮號鄰叟閩縣人光緒癸未進士戊子及癸巳客下溪仔吧城陳文炳家閒偕游同安如大輪三秀夕陽文圃諸山均有題詠

曾鄰叟詩集

陶濬宣字子宣浙江寧波人工隸篆及六書假借之學癸巳甲午寓同厦爲人書便面條幅間受潤資以供旅費憤同安厦門風俗劣點悉發爲詩歌如老婢行假子行花會土漿歎尤膾炙人口

李芋仙筆記

易順鼎字實甫龍陽人以舉人捐候補道甲午中東失和臺灣獨立易丁內艱奉諱從軍寓厦候旨後議和全臺割讓易徜徉山水徧游虎溪鹿洞及文圃夕陽山絕口不言時事惟將憤懣託諸詩歌著有哭葦詩集二十卷

易實甫詩集樊樊山易哭葦詩序

施士洁字雲舫晉江人光緒丙子進士官工部郎中光緒甲午割臺後遁歸鼓浪嶼

主林侍郎菽莊家日與名流唱和結菽莊吟社民國改元後益以詩酒自放壬戌

四月卒於鼓浪嶼年六十歲

沈琛
雲舫
傳
施

同安縣志卷之四十

方外錄

聖賢之學人道而已出人道則爲方外矣考古若王質尹喜張三丰呂洞賓之屬皆方外也而代不數人則以其吐納之術淘鍊之微皆別有真授也邑自宋明而下皆宗孔孟之學一切仙釋虛幻諸學說皆棄若弁髦然高人畸士得道釋之眞傳而修養之亦足以達性命之微通天人之故則以此地古稱佛國山川鍾毓之靈固無教不備無奇不有也志方外

唐 黃檗禪師

陳 淵

助靈夫人

五代 棲霞禪師

宋 吳 本

法 周

無 着

虛 極

陳以文

文 翠

通遠仙翁

孫應祖師

元 印 空

明 笑 堂

吳 容

達宗和尚

陳世胄

清 無 疑

宗 標

曉 誠

如 壽

明 光

雪芝 知堅 董蔭 石盎 以正禪師
法相

唐

黃檗禪師卓錫住邑之夕陽山宣宗微時武宗忌之遁迹爲游方僧至此黃檗禪師

與觀瀑聯句

閩書

陳淵卽唐牧馬侯有神仙道術貞元間爲馬監牧馬蕃息能爲民禦災捍患歿後鄉

人祀之勅封福佑聖侯賜廟額孚濟

鄭用錫碑記

助靈夫人牧馬侯幽婚林氏女浦邊人也幼嫻慧工巧善蠶織採桑馬坪謁侯廟祈
蠶歸得雙繭異之復詣廟香未熱先煙灼亦不火自焰頃有一白鸞升堂而去夫
人倏歸眞島人肅衣冠羣拜曰靈果願幽匹侯其轉軀而步語未畢尸移步尺許

遂塑像座右

金門志

五代

棲霞禪師居開元寺以道自高州牧王繼勳將爲廣居儲糧辭不受嘗有客來止庵
中顧其寒色滿屋解囊金施之霑置諸牀下客去七年復至將更施霞笑曰前惠

尙存出視塵封厚矣客乃歎曰如此道人誰能垢之俛取舊金而去

開士傳
隆慶志

宋

吳本生太平興國四年不茹葷不受室業醫濟人無貴賤按病受藥如矢破的或吸氣噓水以飲雖奇疾沈疴立愈景祐年間卒知者肖像供奉屬虔賊猖獗居民詣像請命未幾賊酋喪死人獲寧居乃創祠祀之水旱疾疫款謁如響部使以廟額請賜名慈濟慶元中封忠顯侯開禧三年亢陽爲沴赤地千里獨潭泉來禱歲以大熟鄰郡草竊跳梁界境上忽覩旗幟之異遂洵懼卻走邑人以聞加封英惠侯繇是東逮莆陽長樂建劍西被汀潮以至二廣舉知尊事後累封普佑眞君明永樂十七年文皇后患乳百藥不效一夕夢道人牽紅絲纏乳上灸之頓瘳問其居止對以某所明遣物色之云有道人自言福建泉州白礁人姓吳名本昨出試藥今報后后大驚異奏請勅封恩主昊天醫靈妙惠眞君萬壽無極保生大帝

閩書
舊志

按眞人事跡各志多略而不詳惟前馬巷通判黃家鼎据宋莊郡守夏楊進士志兩碑文李文貞公光地顏校官蘭吳眞君碑記暨黃化機譜系紀略楊浚白礁志

考證最詳茲照錄之按神姓吳名本字華基號雲冲同安白礁鄉人

李文貞謂安溪石門人

父通封協成元君母黃氏封玉華大仙夢白龜而孕宋太平興國四年己卯三月十四夜大仙夢有神護童子降於庭曰是紫薇神人也越辰誕神生而穎異年十七遇異人授以青囊玉籙遂得三五飛步之法以濟人救物爲念其尤奇者能呪白骨復生背壺盧爲童子或疑其事幻誕不足信然咸豐初年江左八山人亦善此術嘗遇一男女爲盜砍於道腦出脛三斷氣已絕矣有老嫗哭於旁曰三房祇此子今已矣八山人憫之取豆渣代腦削柳條爲脛呪之立活世間不乏長桑君特少見者多怪耳當是時神以醫名天下而又不取人一錢於是同安令江仙官主簿張聖者高其義皆棄官從神游而黃醫官程真人鄞仙姑尤得神秘授仁宗時嘗至京師診帝后疾愈授御史不受神兼通元術明道元年漳泉旱民艱於食神以法輓糧船賑救經月不匱越二年又苦疫神施符水以療存活無算景祐三年五月初二卒於家享壽五十有八或云拔宅飛昇鷄犬皆從世傳劉安王子晉事不盡誣也歿後民有瘡瘍疾疫不謁諸醫惟神是求焚香飲水沈疴立脫於是鄉之父老私謚爲醫靈真人偶其像於龍湫菴溯神靈之護宋也高宗爲太子時曾質於金思歸中原步月崔子廟忽聞廊下馬嘶遂乘之逃金遣鐵騎追至黃

河高宗仰天呼祝忽見神旛蔽天戟鉞如雪金將怯退得從容渡河靖康二年高宗南渡神亦顯靈助戰深夜虔叩始夢示姓名紹興間虔寇猖獗烽火迫境上鄉人鼠竄豚奔相率請命於神不數日官軍斃其酋李三大將餘黨皆就擒睹廟中神像汗透巾帶慶元初寇復至開禧二年賊警徧漳泉皆見忠顯侯旗不敢入界明年丁卯亢陽爲沴赤地千里漳泉民皆泣禱於神甘霖突沛歲大熟民獲奠安更著靈於明代太祖與陳友諒鏖兵鄱陽湖颶作龍舟將覆雲端忽露旗旛大書吳字天遂反風太祖得安成祖永樂間文皇后患乳百藥不效詔求名醫神化道士詣闕牽絲於外診之隔幔灸以艾炷應手而愈問其姓氏官里神以實告且曰臣乃高皇帝鄱陽湖助戰者世傳靈濟二徐真人曾夢中授藥治文皇疾殆神之流亞歟一時廟食徧於郡邑人心皈嚮始終如一也神之封號據福建通志宋開禧三年封英惠侯累封普佑真人泉州府志謂宋慶元中封忠顯侯開禧加封英惠明永樂十七年封恩主昊天醫靈妙惠真人萬壽無極保生大帝漳州府志謂宋乾道間封慈濟真人十五年封顯佑真人寶佑五年封守道真人加封廣惠景定五年封福善真人咸淳二年封孚惠真人德祐元年封普佑真人明永樂七年

封萬壽無極大帝二十二年封保生大帝尋封恩主昊天醫靈妙惠真君又稱慶元中封忠顯侯開禧初加封英惠侯累封普佑真君安溪縣志稱自宋迄明敕封十五次爲無極保生大帝龍溪縣志稱宋乾道中封慈濟真人海澄縣志稱宋乾道丙戌賜廟號爲慈濟慶元丙辰加忠顯侯嘉定間封英惠侯增康佑侯端平乙未封靈護侯嘉熙己亥晉正祐公庚子從御史趙涯之請改封冲應真人淳祐辛丑詔改廟爲宮莊夏碑稱慶元乙卯封忠顯侯開禧三年封英惠侯楊志碑稱乾道丙戌加忠顯之封嘉定戊辰增英惠之號顏蘭碑稱廟立於宋紹興二十年不言封號其書封號自明始曰洪武五年封昊天御史醫靈真君永樂間加萬壽無極保生大帝道光間黃化機作譜系紀略稱宋乾道元年封慈濟靈官慶元二年封忠顯侯嘉定間封英惠侯寶慶三年封康佑侯嘉禧三年封正佑公四年封冲應真人五年封妙道真君咸淳二年封孚惠真君德祐元年封孚惠妙道真君明洪武初封昊天御史醫靈真君永樂七年封萬壽無極保生大帝洪熙元年封昊天金闕御史慈濟醫靈冲應護國孚惠普祐妙道真君萬壽無極保生大帝光緒初年楊浚作白礁志略與黃化機紀略同但增端平二年封靈護侯一條其謂封

孚惠真君在淳祐五年而無永樂七年封號各家所載紛如惟莊夏楊志俱以宋人言宋事且距里未及三舍距歲不過十紀當較可信乃謂神之卒也或紀景祐六年或紀三年丙子或紀四年丙子按景祐甲戌改元四年後又改寶元則丙子宜在三年其稱四年丙子固誤而云景祐六年尤誤也要之神以醫名而其威靈赫奕乃至於裂赤縣擬黃屋而天下後世翕然無異詞則其能爲民救災捍患又確有可證者矣

法周字覺元王姓八歲出家往開元寺授楞嚴千餘言凡三應詔對咸稱旨賜章服號慧大師咸平中郡守宿翰至寺訪之行殿墀見其下數莖草指問云舊爲紫雲蓋地凡草不生因甚今却有此周應聲曰地因培客士凡草有時生翰深歎服天聖元年跌坐而化茶毗時得舍利

開士

無着丞相蘇頌女居平江府資壽寺年三十許厭世浮囂脫去緣飾咨參諸老已入

正信號妙聰禪師

清源文獻

虛極居崑山庵有道行徽宗賜號金壇師

陳以文字文中清修學道居天慶觀三十餘年守倪文節公雅敬之慶元間賜號守

素冲虛大師

隆慶府志

文翠居嘉禾嶼嘗斷腕燃頂募建普照寺尉滕翔贈以詩曰海翻波浪遶危峯無盡巖前世界空不是灰心求佛者片時艱住寂寥中

閩書

通遠仙翁先隱於永春樂山後仙去人稱白鬚公初封通遠王嘉祐間以禱雨有驗加封善利王尋加廣福顯濟咸淳中降真浯洲海印巖輒著靈響祈風禱雨尤有奇應萬曆間邑劇賊越獄而遁知縣金枝夢登太武山遇神示賊處躬渡海詣祠以禱如夢指果得賊因捐金新其廟宇

滄海瑣錄參閩書

孫應祖師仁德里孫厝人其母孕六月而生少具慧眼咿咿學語卽異儕輩鄉多器重之比長皈依佛教尋師至太湖結廬居焉木魚貝葉靜懺前愆苦修數十載能預識休咎以之勸化頑民及祈雨輒應遠近咸以神僧目之應笑曰余不過靜以理推何神之有衆生徵逐名利心多罣礙恐忤故理之至淺者多昧而不明豈真有智愚之別哉時高浦社連年蝗災鄉民窮於捕治應惻然憫之欲大施法力慮爲人知轉滋疑惑適社中演劇應往觀以所食饅頭碎之投四方作片片舞觀者大譁謂和尙不惜五穀應翩然徑去蝗害遂絕所居茅廬僅容膝晚年蓋一寺杉

料均購自遠方艱於運載應以術俾杉浮於寺前因以浮杉巖名其額寺至今香

火不絕圓寂時九十有七明敕封惠應祖師

許希仁探補

論曰靜以理推卽濂洛關閩惟靜故明心法祖師真解人哉

元

印空自構一堂名水月辟穀十餘年日食棗栗松實後坐化遺軀猶存

通志

明

笑堂湖頭村人永樂時住太武巖有二徒之京送以詩云客路逢秋意慘悽吳歌楚
些聽如迷海天一色雁雙去山月半規猿自啼心動故園頻入夢詩逢好景易成
題孤霞落窈西風外更向何山去託棲其二徒皆有詩名

閩書通志府志滄海紀遺全閩詩話

吳容少游吳削髮歸僧因習岐黃術還溫陵遂以方藥濟世生平廉恕不苟取李光

縉爲作傳

景壁集

達宗和尚能詩學辟穀嘗謂盧若騰曰公牧馬侯後身改號牧洲加馬名當得第每
盧至歡然款接遇俗客則崖岸自放人呼爲傲和尚一日過澤畔有兩童子浴鴨
拍手曰傲和尚來矣達宗戲擲鴨鴨浮海去童子牽衣泣拜達宗笑曰還爾鴨鴨

仍在故處嘗登嘯臥亭四望東指曰不週一甲海中當生一大都會卽臺灣也後

坐化

語洲見
聞錄

陳世胄字允冕陽翟人明季邑諸生俗呼泥鰍以多髯也有異人來往其齋三年授以六壬術精易理所占驗奇中遂棄舉業後忽秋試人疑其入彀歎曰不堪言也是秋父死聞中持喪歸人益異之順治戊子在嘉禾里數云同安血流溝安海成平埔嘉禾斷人種泥鰍死半途回至沙溪而歿葬後門外御車巷後其言皆驗其

術無傳

通志府志舊志
雍正志稿合參

清

無疑戒行端嚴順治戊子屠城枕尸塞路率其徒達因等七人親爲拾尸昇往郊垵化以火仍掘地十餘丈瘞之而標其墓曰同歸所漳州被圍死者數萬解圍時無疑又偕諸徒往收瘞焉終於長興甘露寺

舊志

宗標字良準號觀幻林氏子生而不凡有長眉僧見而器之幼卽厭暈年十七入開元寺爲僧往福清黃檗寺受戒於廣超禪師授以拂未幾廣超寂化宗標爲建塔治喪歸隱本寺之清居寮究明宗乘三十餘年學者畢集康熙戊子福清紳士請